

Ravi Shakya

इल्हने सम्मयक महोत्सव

The Samayak Festival of Patan



--दरशा नेवामि



इल्हने सम्यक महोत्सव

The Samayak Festival of Patan



चवमि

दरशा नेवामि



प्रकाशकः

हिराकाजी मुजिकाः

नागवहा, यल



प्रकाशक

हिराकाजी सुजिका:

नाग बहा, यल ।

सर्वाधिकार चवमियाके

बु. स. २५३१

ने. स. ११०८

मु: १४१-

मुद्रण:- ॐ प्रिन्टिंग प्रेस, ॐब्रह्माल ।

Ilhane Samyak Mahotsab -  
by Darasha Nawami

दोहलपा

थुगु बःचा धंगु सफू यल देश्य सम्यक थापना

याना थकूपि भलि भराव थकुजुपिनिगु

धर्मचित्त सुमरण यासैं वेकः पित्त

दोहलपा चवना

-चवमि



## चवमिया थःगु खँ

यल देशय् प्रख्यात जुया चवंगु 'इल्हने सम्यक' वारे छुं छुं खँ सीके वीगु तातुना हे थव बःचा धंगु सफू चवयागु खः । थुके दुय्यक अध्ययन य येगु खँ मनुसां फयां फलि चिहाकलं कनेगु परम्परा यात कः घाना यंकागु दु । थवया न्हापा जूगु सम्यकया प्रारम्भिक अध्ययन यायेगु मुअवसर चू लाःगुया फल हे थव सफू खः । न्यादँय छको जक जुइगु जूगुलि छकः निकः जक अध्ययन यायेत हे १० दँ मयाक ई पोमागुलि उगु इलय् थम्हं वी फक्क ई यात कः घाना चवयागु खः अकें गुलि माःगु खः उलिहे दुमथ्या धाईपि नँ दयेकु अकें लिपा हानं हानं जुइगु सम्यकया नियमित अध्ययन याना पुःवकेंगु कुतः पाखे न्हा वना च्वनेगु नुगः खँ प्वंका च्वना ।

थूगु बःचा धंगु सफू वमिपिनि लहातय्तक थ्यंकेगु कुतः याना थ्यूम्ह मुह्दय धर्म सेत्री भाजु हिराकाजी मुइकाःयात साधुवाद न्ह्यखँ व परिचय चवया थ्यूम्ह भाजु सत्य मोहन जोशी व मयेजु लिण्डायात नं मुमांय् त्रिसँ इल्हने सम्यकया संस्थापक पिनिगु धर्म चित्तयात लुमंका दानया महत्वं थःगु जीवन सुधार याना यंकेगु भगवानया महावाणीयात कीसं न्हावल्ले लुमंके फयेमा धकाः आशिका याये । अस्तु

ने सं, ११०८ सिल्ला गाः पञ्चमी ।

—दरशा नेवामि

## न्हारखँ

थव सफू बःचाधंगुहे जूसां थुकी दुने 'सम्यक्' या लिधंसाय् न्हंकातःगु बौद्ध धर्म, दर्शन व संस्कृतिया खँ आयलं ववातु, आपाल ज्योतु । थुजोगु खँ धैगु झी सकसिनं सयेकासीका थ्वीका तय्साःगु ।

खतु नाम हे 'सम्यक्' धका नोवाना चवगु दु । थव सम्यक् झी पुर्खाजनपिन्स संस्थागत रूपं सुध्यवस्थित यानाः व्वहंकाः झीतः लः लहाना थकूगु नासो खः । थौं थव सम्यक् झीगु जीवित परम्परा जुया न्हाानावं चवंगुजुल ।

श क्यमुनि भगवान् बुद्धं प्रतिपादित यानाविज्यागु आर्य अष्टाङ्गिक मार्गय् सांस्कृतिक बसा लायाः वसुन्धारा, तारा, दीपङ्कर, बुद्ध तथागत, बोधिसत्व लोकेश्वर पित्त झःझः धायेक जाला याना इल्हने सम्यक् स्थलय् पूजा फयेकेत विज्याके माःगु थव छगु तःधंगु धार्मिक पर्वोत्सव खः । थुजोगु 'सम्यक्' छक स्वयेजक मात्रं हे तथा थुकी व्वती-जक कायेमात्रं हे सम्यक् दृष्टि थःपिनिगु जक मखु थःपि च्वनागु देश भिपाः' यागुहे अनुपम गौरव उलाक्यनीगु ।

हानं थव सम्यकय् सांस्कृतिक पहःयागु थुलि हःना भःना व थितिरिति व्यावहारिक रूप छजलातःगु दु कि थुकी दुने दुर्हवना स्वम्हेसिनं सबंत 'सम्यक्' याहे समता भावना ल्वीका च्वनी । थव सम्यक्यागु दार्शनिक पृष्ठ भूमियागु सूक्ष्म खँ न्ह्यथने धाःसा, सम्यकय् 'वसुन्धारा' यागु सर्वोपरि स्थान दु । वसपोल वसुन्धारा सकलया



जननी । वसपोल वसुंधारा लायकुलिइ बिज्यात कि अन मुनाचर्वि  
 सकल दीपङ्कर, बुद्ध तथागत, बोधिसत्व, लोकेश्वर, तारा आदि सकल  
 देव देवतापिंसं वसपोलयात अभिवादन याई, अले वसपोलया हे ल्यू ल्यू  
 सकलें मुनाः इल्हने सम्यक् स्थल्य् थपंक बिज्याइ । सम्यक्य वसुंधारा-  
 यागु थुजोगु महत्व, सम्मान व उच्चतम स्थान लाय् धंगु न्हसः दयेकु ।  
 थ्वयागु लिसः “वसुंधारा कल्प सूत्र” यागु दर्शनं विइ । वास्तव्य  
 ‘वसुंधारा’ धैम्ह चःयात प्रज्ञापरमिता (स्वाभाव शून्यता दर्शनं) या भावं  
 शक्तिया प्रतीकया रूपे प्रतिनिधित्व याकाः मान्यता बिजातःगु जुल ।  
 थ्वहे लिधंसाय् यलय् न्यादँय् छक फागुन शुक्ल चौथी कुन्हु सकल सम्यक  
 देव देवतापिन्त निमन्त्रणा यातांः न्यायेकेमाःगु महायानी बौद्ध धर्म  
 प्रक्रिया थौंतक बौद्ध जगतय् जक मखु, विश्वय्हे छगू तःधंगु जीवित  
 सांस्कृतिक पर्वोत्सव जुयाचवन । न्यूजवीक, टाइम आदि नांदंगु पत्रपत्रिकां  
 न्हापा हे नं थ्व सम्यक्यागु सचित्त विवरण ब्वयाः अन्तर्राष्ट्रिय क्षेत्रे  
 अभूतपूर्व रूपं प्रचार नं यायेधुंकुगु जुल । थ्व सकसिनं स्यूगुहे खं खः ।  
 आ झीथाय् नं नेपाल टेलिभिजन दयेधुंकल, थ्वया माध्यमं नं थ्व  
 ‘सम्यक्’ यागु प्रचार प्रसार अवश्यनं जुइ ।

सम्यक् विषयक मेगु खँ थ्व वःचाधंगु सफुतिहे नोंवाकातःगु  
 दु । थ्व सफूया चवमि भाजुं यानाबिज्यागु कुतः अतिकं समयोपयोगी  
 व प्रशंसनीय ज्ञगु दु ।

यल, बकुवहा

ने. सं. ११०८ सिलतागा ५

सत्यमोहन जोशी

## An Introduction to Ihane Samyak Festival

Daya Ratna Shakya ( Darashaa ) has written a very valuable introduction to the Patan Samyak is a unique festival in the Buddhist world, and holds special interest both for those who wish to understand Buddhism in general or in cross cultural perspective, and especially for those who wish to understand the unique culture and special Buddhist heritage of the Kathmandu valley.

The general nature of Samyak, in Newar Buddhist thought, is an expression of daana or giving. Daana is considered a virtue by all Buddhists and finds expression in many forms, such as the Sanghika daana ceremony giving donations to the monastic community practiced by the Theravaada Buddhists in Sri Lanka. Daana is also one of the six forms of perfection ( paaramitaa ) taught by Mahaayaana



Buddhism, and is highly regarded and practiced in many ways in every Mahaayaana Buddhist culture from Tibet to Japan. In Newar Buddhism, however, the highest expression of daana takes the unique form of a special ceremony in which living people assume the forms of giant Buddha images which move about to receive the gifts of Buddhists who feel motivated to make a donation. The Buddhist images are themselves the gift donors from earlier generations: and thus the procession of the images forges an ongoing link between living and dead, ancestors and descendants, past, present and future.

The great Buddha images walk in procession only on special occasions. In Bhaktapur, one can see them at the yearly Panchadaana festival during the month of Gunla in the summer, as well as during their samyak held yearly on ghyaa caaku sanhu. In Kathmandu there is a special samyak held once every twelve years when the great Buddhas from all over the Kathmandu Valley gather at Swayambhu, and

likewise every five years, the great Buddha images from the city of Patan and the communities of the old Patan kingdom come together at Nag Bahal for the famous Ilhane Samyak of Patan.

Daya Ratna Shakya traces the origins of the Patan Samyak back some 700 years, using sources ranging from historical studies and inscriptions to oral tradition. As always, oral tradition provides a rich source of cultural information. For example, the origin of the Patan Samyak is found in the following story.

Once, a very poor man named Bhali Bhadaara began collecting cow chips and storing them in a locked room. One day his wife discovered that the cow chips had turned to gold. Because of their new found wealth the husband and wife decided to support religious activities. However they were confused as to whether to be Buddhist or Vaisnavite. They planted a basil seed (Vaisnava) and a camphor seed Buddhist to see which would sprout first, and the camphor sprouted first. Thus they emb-



rated Buddhism and offered obeisance to the samyak sambuddha. Later they offered many great Buddha images to all the main viharas of Patan and held great annual daana feasts in Ilhane on the 3rd of the bright fortnight of Phalgun at which they greeted all the Buddhist priests and monks of the kingdom together with the great Buddha images, Wishing to have this tradition remain forever, they donated their funds to establish a permanent religious support group (guthi) for the annual observance of this samyak mahadaana. Later, due to inflation, the guthi cut back the annual observances to once every five years.

Today the Ilhane Samyak is still a large-scale observance involving elaborate and specific rules for 116 Images. They include images mostly of Dipankara Buddha. along with a number of images of the female Arya Tara.

This book contains a wealth of information about this fascinating and glorious, and we are thankful for Daya Ratna Shakya's dedication to making this information available.

Linda Iltis & Ter Erlingson

University of Washington

## इल्हने सम्यक

अदत्त दानेन दरिद्र भावं

दारिद्र्य भावेन करोति पापम् ।

पापं च कृत्वा नरके प्रयान्ति

नरका दि मुक्ते पुनरेव पापम् ॥

दरिद्र नाशनं दान शीलं दुर्गति नाशनम्,

अज्ञान नाशनं प्रज्ञा भावना भाव नाशनम् ।

अर्थ:- ह्येकाः खुयागु फलं दरिद्र जुइ । दरिद्र भाव दयेवं पाप्यु सनी । पाप्यु सं सं नरक लोक वनी थे तुं नर्क वयाः व हाकनं पाप्यु तुं सनी । दानशीलं दरिद्र नं दैमखु दुर्गति नं दैमखु, अज्ञान नं दैमखु भव भावना नं दैमखु ॥

न्यायना :-

एशिया महादेशया तसकं थोगु ज्योति समानहा महा मानवं मानव मातृया जीवन सुधार यायेत क्यना बिज्यागु अमूल्य मार्गया मूल सिद्धान्त हे चतुर आर्य सत्य खः । व मार्ग हासीका दश पारमिता पूर्ण जुइ थुं कूपिन्सं आर्य अष्टांगिक मार्ग अनुशरण यानाः स्वविर (श्रावपा) आजुपिनिगु प्रतीक कथं नेपाःया बौद्ध कलाया इतिहास्य न्यनाच्चंगु



दसि मध्य आजुपिनिगु प्रतिमूर्ति (सम्य द्यो) नं छगु खः । नेपाः वाङ्मय  
कथ आजु धाये मात्र हे पूर्वज धंगु खँयात संकेत याइ । अर्को पूर्वजपिनिगु  
पुण्य कर्मया प्रतिकल हे थौं कन्हय् श्रीगु न्होने आजुपिनिगु प्रतिमूर्ति  
दयाचवंगु खः । वसपोल आजुपिनिगु श्रद्धायात लुमकाः दानपारमिता  
ह्यसिकेगु मार्गया अनुशरण यायेगु हे सम्यक पर्वया अवलोकन यायेगु खः ।

ऐतिहासिक, साँस्कृतिक, व्यावहारिक पक्षः-

नेपाःगाःया बौद्ध इतिहासं सम्यक् पर्व परापूर्वं कालनिसँ माने  
याना वयाचवंगु खँ प्रमाणित याः । पञ्जा दान (पञ्चा) स्वयाः नं  
उत्तमगुयात सम्यक दान धाइ धकाः शास्त्र उल्लेख जुयाचवंगु जुगुलि  
पूर्वज बौद्धतय्सं छयःगु सम्यक् महापर्वयात समयानुकूल प्रवर्द्धन यायां  
थौं तक चले याना वयाचवंगु जुल ।

शाह जुजुपिनिगु उदार चित्तया कारणं छिनिदंय् छको जूसां ये  
देया सम्यक पर्व भव्य रूप न्यायेका वयाचवंगु खँ ने. सं. १९०० सँ श्री ५  
वीरेन्द्रया समुपस्थिती स्वयम्भू भुइयलय् जुया वंगु सम्यक समारोह  
लुमके ब्यू । अथे हे रूप देशय् ववार्थदोया प्रशन्नशील महाविहारय्  
तयातःगु सिजः पो कथं प्यसः दँ न्होतिसँ दँय्दसँ ध्योवाकु संग्छुनु  
रूप देया सम्पूर्ण दिपंकर तथागतपि व ब्रज्याचार्य, शाक्यपिन्त निमन्त्रणा  
यानाः थौं तक सम्यक महादान महोत्सव चले याना वयाचवंगु जुल ।

थुगु हे प्रकारं यल देशय् नं न्हय्सः दँ न्होतिसँ अद्यापी चले  
जुया वयाचवंगु इहने सम्यक पर्व न्यादैय् छको न्यायेका वयाचवंगु ख  
सम्यक पर्वया महत्वयात जनमानस लोमकेगु ज्या मयाःगु खनेदु । समय  
व परिस्थिति अनुसार दानया प्रकार व पद्धती हिलाकथे तुं वर्तमान

युगम् अस्पताल, स्कूल आदि थें ज्यागु मानव हितार्थम् उपार्जन यायेत  
नखलख दां दान बियाः सिलापत्र तथेकेगुली मन चन्हाः थें तुं उगु  
ईया नेपाःया ऐतिहासिक परिप्रेक्ष्य विचाः याये बल्य् सम्यक महादान,  
नरां पञ्जरां, छनिसामत, सिन्हःपुजा सतः आदिया निर्माण थें ज्यागु  
पुण्य कार्य यानाः नां कमे यायेगु पद्धती कथं ला धर्मया नामं संस्कार  
हे बलता वयाचवंगु खँ सीदु । न्हापा न्हापाया बौद्धतय्सं (थः पूर्वज-  
पिन्स) स्वचित्त शुद्धं थापना याना थकूगु महान पर्व थौं बाहियात जुइगु  
स्वाभाविक खः थौं अस्पताल दयेकेगु परम्परा समयानुकूल जूसा १००  
दँ लिपा बाहियात धाये माःगु अवस्था नं बइतिनि । न्हागुसां इलं ह्याः  
कथं धर्म कर्म यानाः पुण्य सच्चय यायेगु ज्या याना थंगु छगु दसिया रूप्य  
थ्व सम्यक महापर्वयात नं कायेकु ।

नेपाःया बौद्ध साँस्कृतिक समारोह मध्य सम्यक महादान दकले  
अपो प्रख्यातगु पर्व खः । नेपाः धाये मात्र हे बौद्ध तथेगु साँस्कृतिक  
सम्पदां बिस्मिलि जाःगु देय् खः धंगु खँ सबसः देया इतिहासं प्रमा-  
णित याः । आधुनिक नेपाःया शासकत हिन्दु धर्मावलम्बी जूगुलि नेपाः  
या संविधान कथं छगु जक हिन्दु राष्ट्र धकाः धायेगु याना वया च्वन ।  
अय्सां बौद्ध साँस्कृतिया अध्ययन अनुसन्धानया ज्या विश्वया नांदेपि  
विद्वानपिपाखें नं जुयाचवंगुयात कीसं लोमके फइमखु । परम्परानिसँ  
चलेजुया चवंगु गुलि नं साँस्कृतिक समारोह दूगु खः गुगु न्हता वने  
थुकूसां गुगु आःतक छि छि कथं चले जुयाचवंगु दु । दसि कथं सम्यक  
महादान पर्वयात नं कायेकु ।

प्राचीनकालया धर्म यायेगु पद्धती समयानुकूल परिवर्तन जुजु



थौ नरां थें ज्यागु महत्वपूर्ण दानया पर्व बुलुहुं न्हना वनाः महापरि-  
 त्राणं थाय् काःवया च्वंगु खनेदु । बाहा पुजा, वंला आदि यापि ला  
 न्यने थाकुया वये धुकल । बुद्धया सिद्धान्त कथं दान यायेगु परम्परा  
 नेपाःमितय्गु समाजं तंगुला खहे मखुनि केवल परम्परायात तितांजलि  
 विया न्हगु व अःपुगुपाखें जक लीगु जुयाच्वंगु खनेदु । स्वनिगःया  
 थीथी सम्यक गुठी नी स्वनातःगुया घटनावली थीथी हे दःसां उगु ईया  
 सामाजिक व्यवस्था अध्ययन यायेत सम्यक पर्व नं गावकं तिवः व्यगु  
 वाःचायेके थाय् दु । उगु ईया धार्मिक समाजया रूपरेखा अध्ययन यायेत  
 नं सम्यक पर्वया व्यवस्था तसकं उपयोगी सिद्ध ज्म ।

हलं ज्वलंया श्रोतः-

ने. सं. ११८४ सं यल नाग वहालय् सम्पन्न ज्म इन्हने सम्यक-  
 या अवलोकन यानाः पिज्वःगु विचाःयात न्ह्योव्वयेगु कुतः थन ज्म  
 दु । अकें थव च्वमिया थागु हे विचाः धकाः भाःपिया बिल धाःसा खः  
 कथं नालाकाल धाये थें जुइ ।

आः सम्यकया घटनावली कथं ऐतिहासिक तथ्य छकः वाला  
 स्वयेगु कुतः याये । यें, यल, खप स्वनिगलय् संचले जुयाच्वंगु सम्यकया  
 स्थापना बारे थःथःगु हे बाखें दुथें थन यल देशय् प्रख्यात जुयाच्वंगु  
 इन्हने सम्यकया ऐतिहासिक बाखें नं थन न्ह्योव्वयेगु सान्दर्भिक तायेका  
 च्वना । थव बाखें पं. हेमराज शाक्यजुं च्वया बिज्यागु सम्यक महा-  
 दान गुठी सफूया लिखसाय् न्ह्योव्वया च्वनागु जुल ।

द्वापांगु इन्हने सम्यकः-

थौ स्वयाः न्ह्यसः दे ति न्ह्यो लिच्छविकाल धुनेवं ठकुरी

वंशया जुजुपिःसं थव पुण्य भूमिया अभिमारा कयाच्वंगु इत्य भली  
 भदार नांम्ह ठकुजु तसकं दरिद्र जुजु आपालं दुःख भोग याये माल ।  
 वय्कः हिरण्य वर्णं महाविहारया संस्थापना इत्यथा जुजु श्री भाष्कर  
 देवया हे सन्तान खः धंगु धापू दु । अले इतिहासय् खने दयाच्वंगु सूर्य  
 मल्लया तापाय् आजु नं वय्कः हे खः धंगु धापू भाषा जवाः आदि  
 वज्रजुं थःगु सफुतिइ उल्लेख याना बिज्यागु नं खनेदु । वय्कः भली  
 भदारजुयाके धनया नामं छुं छुं हे मदुगु अवस्थाय् सप्पा मुना हयाः  
 जूसां धुकुती स्वथना तयेगु तर्क याये मालावन । थथे दरिद्र ज्मया  
 कारणं थः परिवारया अर्धागिनीयात तर्क व दरिद्रगु धुकू वयने मछा-  
 लालि सुनानं मखक सप्पा स्वथनाः ताःचा सुचुकेगु याये माल । छन्हु  
 ताःचा सुचुके लोमंगु मोकाय् लाकाः कलाहं धुकू चायेकाः स्वगु बखतय्  
 थःम्ह भातं सुनानं मखक धकाः स्वथना तःगु सप्पा फुकल लुंयागु जुयाः  
 ज्वाला ज्वाला थिनाच्वंगु खनाः ग्याग्यां तालं ग्वयाः गथे खः अथेतुं  
 ताःचा तथा तःगु जुयाच्वन । भातम्ह द्वाहां वःबलय् उगु अपूर्वगु धन-  
 राशी छु खँय् स्वथना तथागु धकाः ग्याग्यां न्यंबलय् भातम्ह नं अचम्म  
 जुयाः काचा काचां स्वःवंबलय् अजुगति चाःगु जुल । थम्हं ला  
 सप्पा जक स्वथना तःगु तर देव संयोगं फुकलं ज्मगुलि आपालं हर्ष  
 प्रकट याना उवलेनिसें दरिद्रया भाव तनावंगु जुल ।

अनलि धनवानम्ह भलि भदार भारी (ठकुजु) जुया धर्म चित्त  
 उत्पत्ति जुयालि निम्हत्पूया खंलावला ज्मलय् बुद्ध धर्म व वैष्णव  
 धर्मया बारे निम्हसियां मतभेद जुसेलि छगू परीक्षा स्वयेगु खँय् सहमति  
 जुल । अले बुद्ध धर्मया प्रतीक कथ कपू सिद्धाय् स्वां व वैष्णवी धर्मया



तुनसी मया पुनः पिपाः जुगु न्हापा लाक चुलि जाया वइ बहे धर्म  
पालना याया यंकेगु खँ कोय्मुमेलि निम्हतिनं थःगु आस्थाया धर्मयात  
सचिनं पालन यायेगु मती तथाः पुसा प्यवल्य कपू सिह्लाया हे ल्हापा  
लाक चुलि जाया वःगुलि सहर्ष निम्हसिनं बुद्ध धर्मया अनुशरण याताः  
धन्य धन्य वसपोल सम्यक संबुद्ध भगवान धकाः नमस्कार यात । अतंलि  
थः पुर्वापिन्स थापना यातां थकूगु हिरण्य वर्ण महाविहारस नीस्वना  
तःगु श्री शाक्ममुनि भगवान प्रिति अनेकन प्रयास्या गुथि दोहलपा  
त्रिन । उलि लक मखु यल देशय् उगु लय् दयाचवगु नम्पूर्ण बौद्ध विहार  
मकन सम्यक देवता श्री दिपंकर, बुद्ध बोधिसत्व, आर्यतारा आदि व  
आर्य सब चैनक, थ्रामणेर, ब्रम्हचार्य मिश्र तथा शाक्य बज्राचार्यपि समेत  
निमन्त्रणा याताः विधि पूर्वक लिचायेकाः स्वागत सत्कार याताः सम्यक  
भोजन याकेगु निर्णय याताः फागुण शुक्ल त्रितिया रात्रीसं यल इल्ह-  
नेया पूण्य भूमिसं विज्जाका सम्यक महादान समारोह न्यायेका वंगु  
जुल । अतंलि दच्छि दुखुनु नं दच्छि न्ह्यो जूगु सम्यकया लय पुत्यं तकं  
थम्हं भोग मयासे विनुद्ध दान पारमिता पूर्ण यायेया लागि दखु याताः  
सम्यक महादानया सम्पूर्णकार्य सफल जूगु भाःपिया थुगु सम्यक महा-  
दान पर्व सशं स्थीर जुयाः न्यायेकाःतुं च्वनेमा धैगु शुद्ध चित्तं आशिका  
याताः गुठीया व्यवस्था याता थकूगु जुल । वहे गुठीया आयस्ता कथं  
उंगु हे पूण्य दिनस दैय सँदं यल देशय् सम्यक महादान पर्व न्यायेका  
वयाचवंगु जुल । थुगु पूण्य ज्या यल क्वाः बहाःया शाक्य बज्राचार्य  
संन्यात जिम्मा नं बिया थकूगु जुल ।

न्यादैय् छको न्यायेकेगु खँ :-

थुगु इल्हने सम्यक वि. सं. १७६१ तक दैय्दसं जुया वगु

खनेदु । वयां लिपा वि. सं. १७६२ सं जग्मा हरणया लदचं थव सम्यक  
गुठीयात नं कल । दैय्दसं वइगु आयस्था न्यायेके मफइगु जुसेलि प्यदै  
तकया आयस्ता मुंकाः न्यादैय् छको आयोजना यायेगु ग्वसाः कथ  
थुगुसी २०४४ सं जूगु नापं ८४ ववः न्यायेके धुकूगु खनेदु । वयां न्ह्यो  
दैय्दसं याता वनाचवंगु नापं याताः प्यसः व स्वीप्यववः इल्हने सम्यक  
न्यायेके धुकूगु खने दुगु जुल ।

नाग बाःहाया उत्पत्ति वाखँ :-

छगु समय थवहे सम्यकया उपलक्ष्यसं दान यायेत द्वचिना तःगु  
वा द्रय् छजो नागराजां बास यागु जुया च्वन । गुकें याताः दान यायेत  
न्ह्याको वा क्वाकाःसां उत्तिक तुं जुयाः अक्षय भण्डार हे स्वनेगु ज्या  
जुया वंगुया कारण वसपोल नागराजाया नित्य बास दया च्वनेमा धैगु  
आशिका याताः सम्यक पर्वया उपलक्ष्यसं नाग साधन यायेगु विधि नं  
दयावःगु खनेदु । वहे नागराजा बास याःगु इल्हने चुक्यात नाग वहाः  
धायेगु नं जुया वंगु खः ।

इल्हने सम्यक न्यायेकेत न्ह्यज्याके माःगु गुथिया ज्याःवः :-

फागुण कृष्ण तृतियाया चात्तसः सें न्ह्यज्याइगु इल्हने सम्यक  
गुठीया ज्याइवः श्रीपन्चमीया शुभ दिननिसें छुना याकेगु चलन दु । इल्हने  
(इहिति + लहनेस यचुगुलः वईगु हिति दुगु न ति) हितिया पूर्वपाखे साधना  
याता तःगु नागया जीव न्यास लिक्कया छसिक्कं छायेपाः हानं न्यास तयेगु  
निसें सम्यकया सस्थापक ठकुर भाजू भलिभरादया कूल छें दुगु बहाः  
न्ह्यहायात छायेपेगु, इल्हनेया सम्यकय् विज्यावीपि सम्यक देव देवताया



लसकुस यायेगु थार्सं च्वगु ध्वाखा छायेपेगु, दिगी छायेपेगु भंसारया लुखा  
छायेपेगु सम्यक भोजन तयार यायेगु आदि याके धुंकाः सम्यकया च्यान्हु  
न्ह्यो इल्हनेसं हे उगु देया सम्यक न्याःगु जुल धकाः सर्व साधारण  
जनतायात मुचं वीगु तातुनाः यःसि थनेगु ज्या जुइ वया लिपा पारु  
खुन्हुनिसं क्वाःबहाःया व्याक्क आजुपि नापं सकव पाःलाःपि जानाः  
सम्यकस सरिक जुइके माःपि सम्पूर्ण बहाः बहीया सम्यक देवता, मेमेपि  
देवदेवतापिनि तिमन्त्रण व्यक्तेगु ज्या छुना यंके माःगु जुयाच्वन ।  
सम्यकया ज्याऊवः :-

सम्यकया मूल दिन छन्हु न्ह्यो अर्ध रात्री चान्हय् वाचा थपुसा-  
निसं यल दे न्यंकःया बहाःबहीया सम्यक आजुपिनिगु प्रतिमूर्ति  
मंगः लाय्कुली मुनेगु ज्या जुइ । यल देया दक्षिण व पूर्वपाखे  
इलाकाय् जुयाच्वंगु गुलि न बहावही दु व फुकंया सम्यक देवतात  
लाय्कुली मुंकी क्वाः बहाया क्वाभाजु बमुन्धारा यात क्वालखुस लं  
स्वया च्वनी अथे हे वुंगय करुणामययात न लं स्वया च्वने मागु परम्परा  
थौं तकं कायम जुयाच्वंगु दु । अनंलि उगु क्षेत्रया सम्पूर्ण देव देवतापि  
मुनेगु ज्या सिधयेका भिंधो क्वं जुया क्वालखु धलाय्चाय् इल्हने चुकय्  
प्रवेश य केगु परम्परा कथं न्हाकेगु ज्या जुइ । उगु लंपुइ ला पि सम्यक  
देवतात थःगु छें क्वय् च्वना लाय्कुली मुनाः झोलि बिज्याकीपि देव  
देवतापिनि लंस्वया च्वनी अले थः थाय् थ्यलिसे थःथःगु क्रम अनुसार  
झोलि न्हाइगु परम्परा नं थौं तक कायम जुयाच्वंगु खनेदु । इल्हने  
चुकया ध्वाखान थकूजुया शाखा सन्तानतत्सं प्रत्येक सम्यक देवता  
पिनि छसिकथं लिचायेका लसकुस यायेगु परम्परा नं थ्व सम्यक

महादान महोत्सवया छगू अङ्ग हे मापिये माः अनंलि सकल देव  
देवतापिनि लसकुस याना दुतकाये धुंका इल्हने चुकया दक्षिणपाखे निसं  
जुयाः थःथःगु आसनस विराजमान यायेगु ज्या सिधयेवं हे चान्ह-  
सिया २ वजे जुइ धुंकी गुलि मूल दिनया न्हाखा महाःनिबलय् सम्यक  
देवताया दर्शन याइपिगु हुल खनेदये धुंकी । गुहासिन पुजा दोहलपेगु  
ज्या याइ, गुम्हसिनं वा, जाकि, खीर, मरि, दक्षिणा आदि स्वचित्त  
प्रदान यायेगु ज्याय् धेधेवत्ता हे जुयाच्वगु झीसं खंकेफु । सम्यकया  
मूल दिन छन्हु न्हितय् लगभग १ वजे निसं गुथिपाखेया पुजा, सम्यक  
भोजन दोहलपेगु आदि ज्या जुइ । थ्व इल्हने सम्यकया भोजन  
आदि दोहलपेगु ज्या जुइवल्य् प्रत्येक देव देवतापिनि निश्चित रूपं  
थुलि हे मरि छायेगु धंगु परम्परा खनेदु । थ्व निश्चित रूपं क्वाःपा मरि  
गुम्ह घोयात छात धंगु खं सीकेगु कुतः याये बहाः । उगु मरिया  
ल्याः कथं हे उगु सम्यक देवतानाप सम्बन्धित मेमेपि देव देवतापि  
गोम्ह दु धंगु खं निश्चित रूपं किटान याये फइगु छगू ग्यसु  
ग्यगु तथ्य खः । थुगु सम्यक महादानस दोहलपेगु वस्तु वा, जाकी  
इत्यादि निश्चित परिमाणया धगःचानं दयेका तःगु दु । बहे मरिया ल्याः  
कथं मेमेगु ता नं दोहलपेगु याना तःगुलि थन्यागु सम्यकयात अनुमानित  
लगत पाय्छि जुइक न्हापा हे मिले याये फइगु कथं बैज्ञानिक ढंगं  
यायेगु याना वयाच्वंगुलि नं थौं तक थ्व सम्यक न्यायेकेगु ज्याय् थ्रद्धा  
दयाच्वंगु खनेदु ।

आय श्रोत व पाः व्यवस्थाः-

थुगु इल्हने सम्यक न्यायेकेत हिरण्य वर्ण महाविहारया



संव पाखें च्याम्ह सिया पाः फये माःगु व्यवस्था याना तःगु जुल । अले गुथिपाखें दैय् दसं २०-२५ मुरि तक वा दुतनेगु ज्या जुई नेपालय् भूमि सम्बन्धी कानून वये न्होला आपाहे आयस्ता हुगु खः । थुगुसी २०४४ सं २२ मुरि वा दुतनेगु ज्या जुन अथेहे प्यदें तकया वा मुना नं पालाः तये म्हति दां तका न्यादो ल्हाये मालीगु खने हुगु जुल । थौं कन्हय्या थोकेगु बेसाः भाः नं याना पाला जुया सश्रद्धा सक्रिय जुया तन मन धनं ग्वाहालि यायेगु अठोट पालाःपि पाखें व्यक्त जुया च्वंगु जुल । जन्मय् छक्क जक पाः फये मालीगु थुगु इल्हने सम्पक या पालाः जुये मात्र हे सम्पकथें ज्याःगु पवित्र व महान् दान कार्यस थ हे संलग्न जुया सम्पक न्यायेकागु पुण्य फल प्राप्त जुइगु ज्ञगुलिं थौं तक बडो हर्ष साथ पाफयेगु याना वया च्वंगु खने दु । ने. सं. १९०८ स जूगु इल्हने सम्पक सक्रिय जुयेत पाः फःपि वाराहा संव परिवार थथे जुल -

श्री पञ्च राज शाक्य	श्री हर्ष राज शाक्य
श्री जीत वीर शाक्य	श्री जेठाकाजी शाक्य
श्री कीर्तिमान शाक्य	श्री इन्द्र राज बज्राचार्य
श्री हर्ष रत्न बज्राचार्य	श्री पूर्ण बहादुर शाक्य

वसपोल पिनिगु सक्रियतां थुगुसी सम्पन्न जूगु इल्हने सम्पकया पुण्य फलं मनुष्य जन्म सफल जूगु मापिसें तथागत सम्पक संबोधिया अनुत्तरीय मानव हितकार्य सदा न्ह्याना च्वनेमा धका आशिका य ये । अस्तु ।

## परिशिष्ट--

न्हापा न्हापा सम्पक व नरां न्यायेका कीर्ति थापना याना थकू पिगु दसि कथंया तथ्य ज्वलः-

- ४) श्री भुवनकर वर्म सत्कारित श्री धर्मकीर्ति महाविहार अन्तंगत श्री दक्षिण महाविहारसं च्वम्ह प्रधान महा पात्र राज सिंह मल्ल-जुया छय् ज्ञानसिंह मल्लया काय् अमृतसिंह ने. सं. ५९९ तः बहालय् जूगु ।
- २) भास्कर वर्ण विहार न्याखा चुक्य। दानपति हर्षसिंहया कलात हेरश्मि ने. सं. ६४५ श्रावण शुक्ल अष्टमी ।
- ३) श्रीयिति ल्हङ्ग विहार इल्हने ननिया स्थवीर नाथयक जुया कलात हेर लक्ष्मी ने. सं. १५४ श्रावण शुक्ल पञ्चाष्टमि शनिवार ।
- ४) इल्हने (नागवहा) या योता गृहसं च्वम्ह दानपति उल्हासिजु ने. सं. ६७० पञ्चाष्टमि ।
- ५) मणिगल राज प्रसाद यल लाय्कूलि उत्तर पाखे च्वंगु श्री गुण लक्ष्मी वर्द्धन सत्कारित श्री को विहारसं च्वम्ह गोविन्द राज किजापि जयसिंह राज बन्धु देवसिंह ने. सं. ६८२ ।
- ६) उकु बहाल महा बोधि गृहसं च्वम्ह दानपति श्री जोधाजु शाक्य वश श्रावण शुक्ल अष्टमी ७८७ सिहासन दोहलप्युगु ।
- ७) वकु बहाल महा बुद्ध गृहसं च्वम्ह श्रद्धालु दानपति शाक्य वश श्री देवसिंह जु पञ्चाष्टमी खुनु ने. सं. ७९७ जुल ।
- ८) शिवदेव संस्कारित रुद्रवर्ण महाविहारया दानपति शाक्यवंश श्री रत्न मुनिजु किजारत्न राज धनपति काय् शुभ श्री काय्चा



रक्षराज दशमुनि नन्दराज गुण श्री चिकित गोपधाम पूर्णराज  
रत्नकर रत्नसि व श्वहेसं चवनाचवंम्ह पूर्णसिंह एवं सवीर  
चिन्ताकर इनायल्लेहेया जोतिराज समेत ने.सं. ८१७ पञ्जाष्टमी  
सम्यक ।

६) श्री लोकाकृतिक नकविहार (नः बहीज) स चवंम्ह दानपति  
शाक्य भिक्षु धर्म श्री नं शुभ संकल्प ने.सं. ८३९ माघ कृष्ण  
आमावस्या सूर्य ग्रहण न्याखा चुक्य जूगु ।

१०) श्री बुद्ध यशोधर महाविहार (बू बहा) स चवंम्ह दानपति न्हुल्ले  
व मिल्म्ह दाजु किजा ८६५ श्रावण पञ्जाष्टमी पञ्जा नारां ।

११) नकबही रूप छेस चवंम्ह लक्ष्मी नारां वया कार्यापि मत्तनसिंह  
मस्त राम छ्य रामकृष्ण भानुमुनि राम सुन्धर रामजु तधिम  
लक्ष्मी संधर व मल्लिदर सिंह ६१७ नरां ।

१२) हिरण्यवर्ण इल्हने देव ननिया दानपति शाक्यै जय नरसिंहया  
काय भाजु नरसिंह भानुधन सिंह व जीव धनसिंह लगं ख्यलय्  
न्यायेकूगु सम्यक ९५४ पौष शुक्ल तृतीया मकर संक्रान्ती ।

१३) हिरण्यवर्ण महाविहारया श्रद्धालु दानपति शाक्य वंश मुनिधन  
धीर्जमुनि कुवेरमुनि स्पर्शमुनि देवमाता मेजुधन ने.सं. ९९८  
पौष शुक्ल अष्टमी मकर संक्रान्तीसं लगं ख्यलय् सम्यक  
न्यायेकूगु ।

१४) इल्हने योक्कुलीछेस चवंम्ह दानपति वज्राचार्य धर्मध्वंजु वया  
कलात धनमयजु काय मज्जुवज्र, गजेन्द्र वज्र छ्यचा इन्द्र वज्र  
दान वज्र १००१ पौष शुक्ल द्वादसि बुद्धवारस सं. लगं ख्यलय्  
सम्यक ।

१५) रत्नाकर महाविहार (हः बहा) या यन्ता दुन्दु गृह वला बाः  
चवसं चवंम्ह दानपति श्री वेखाराज वज्राचार्य या कलात ज्ञानि  
थकुं काय सिद्धिराज च्य चन्द्र ज्योति म्हाय विहरति कुमारी  
विष्णु कुमारी इन्द्र कुमारी व कृष्ण कुमारी पौत्री सिद्धिमाया  
जाना १०१२ ने. सं. पौष शुक्ल चतुरदसी मकर संक्रान्ती ।

१६) वशु वद्धन महाविहार इल्हनेया दानपति वज्राचार्य गजेन्द्र वज्र  
वया कार्यापि ईन्द्रवज्र दानवज्र संघ वज्र व स्वयम्भूवज्र लगं  
ख्यलय् नं. सं. १०१६ पौष कृष्ण द्वतीया मकर संक्रान्ती स  
न्यायेकूगु ।

१७) लोकाकीर्ति महाविहार नः बहीया ल्युनेसं चवंगु इकुलीया दानपति  
शाक्यवंश वाघनरसिंहया काय बहादुर सिंह केदार सिंह लक्ष्मी  
छ्य हर्ष नरसिंह पौष जुदि षष्ठमि ने. सं. १०४७ मकर  
संक्रान्ती ।





## इल्हने सम्यकसं विराजमान जुया बिज्याइपि देव देवतापिगु धलः

स्वयम्भूचैत्य थासंघो	गुजिवाहा दीपंकर व बुंगदेव
वज्रसत्त्वया मुखः	भिछेवाहा दीपंकर
" मुकुट	उकुवाहा "
भेगो आजु	सुवाहा " तारा नापं
क्वजि "	यच्छुवाहा दीपंकर तारा
वसुन्धारा अजि	क्यपूवाहा "
चोवाहा कण्णामय	जतिवाहा " "
बुंग घो	चोवाहा " "
थासं घो	क्यपू " "
चाकवाहा घो	जदेवाहा तारा
लगं थूद्र	क्यपू "
तंगवाहा तारा	क्यपू "
" दीपंकर	उकुंवाहा "
क्ववाहा "	उकुंवाहा "
धुंवाहा दीपंकर, तारा	भिछेवाहा "
कुजवाहा दीपंकर	गुजिवाहा "

कुलिम्बाहा तारा	गुजिवाहा तारा
क्ववाहाया दीपंकर व भली भारो	उयोवाहा "
वाहापा घो	उयोवाहा "
वम्बाहा दीपंकर	हगुवाहा "
दउवाहा "	हगुवाहा "
तःवाहा "	बूवाहा "
बूवाहा "	बूवाहा "
हःवाहा "	तःवाहा "
उयोवाहा	तःवाहा दीपंकर, तारा
दउवाहा तारा	सिवाहा दीपंकर
वम्बाहा "	भया आजु दीपंकर तारा
मिच्छुवाहा घो	सूवाहा " "
जा जय्मां दीपंकर	चिंवाहाचुक कनकजु दीपंकर
यतवाहा "	मिशु आजु
दारिकावाहा "	ईवही दीपंकर, थासंघो
इखाछें बाहा "	भिछेवाहा दीपंकर तारा
चुकवाहा तारा	सुवहा दीपंकर तारा
चुकवाहा दीपंकरा तारा	थकूवाहा " "
आनन्दवाहा "	इलावही " "
मिखावाहा "	धुंवाहा " "
अकिवाहा "	तःवाहा " "
अथः वाहा "	यतावाहा कमिआजु दीपंकर



मूवाहा " धर्मशील आजु "   
 चिल्लें द्यो " भानसि आजु "   
 थ्याकाया तारा " मुनिधौ धाखा दीपंकर तारा   
 न्याचूकया तारा " दिनपाणि आजु "   
 कमला आजु दीपंकर तारा " धर्मध्वंज आजु खिचाखा दीपंकर   
 हिला आजु " व. तारा   
 वनबाहा कुनआजु दीपंकर " वेखाराज धूसः दीपंकर तारा   
 होग दीपंकर तारा " गजेन्द्र वज्र " "   
 वादेश " " दानमुनि धाखा " "   
 बूवाहा " " बागनसि इकु "   
 सिबाहा " साखःति जय्मां "   
 " कचावाहा दीपंकर " जोग आजु हगूवाहा दीपंकर   
 " कचावाहा नापितया "   
 चिकेवही धनन्द ब्रह्मचार्य भिक्षु दीपंकर

लिधंसा सफू-

- १) सम्यक- हेमराज शाक्य
- २) ऐतिहासिक छुं वर्णन- आदीवज्र
- ३) नेपालको ऐतिहासिक परिचय- लीला भक्त मुनंकर्मी
- ४) दान फल- अमोध बज्र बज्राचार्य